

أ.محمود المطاوعة

التهيئة للمعلمين المستجدين
قروب معلم مواد تجارية
تنسيق إبراهيم حسن أمان



بعض النقاط التي تهتمك والمتعلقة بوظيفة المعلم:

بعد توظيفك ستقوم الوزارة بإعداد ورش التهيئة لاخبارك ببعض التفاصيل ونستعرض لك بعضها بالتفصيل:

المعاش

-اول ما تدخل راح يكون في حدود ٦٠٠ على الدرجة الثالثة، بعد سنتين على الرابعة بوصل ٧٠٠ تقريباً بالعلاوات

الدرجة والستيات

-اول ماتتوظف بيعطونك الدرجة الثالثة وبعد سنتين بيعطونك الرابعة ،، اما بالنسبة للترقي للدرجة الخامسة والسادسة تحتاج:

1. تخلص دبلوم التربية (في المعهد او جامعة البحرين طبعا على حساب الوزارة) واذا عندك من الخاص تقدر تعادله

2.تبقى على على الاقل اربع سنوات على الدرجة

3.تخلص ٢٤٠ ساعة تمهن (كورسات وورش تدريبية)

-للحصول على الدرجة السابعة أو أكثر لازم تترقي ويتغير المسمى الوظيفي مالك (مدرس أول ، مدير مساعد)

-في كل درجة في ١٥ ستيب ،، نهاية كل سنة بيعطونك ستيب (زيادة سنوية) قيمتها ١٧ دينار وتزيد على الدرجة مالتك

-اذا تشتغل زيادة (تنظم فعاليات داخلية او خارجية، تسوي مهام اضافية سواء طلبها منك المدير او بادرت بنفسك) يمكن تترشح لحافز ابو ستيب او ستيبين او ثلاثة

°حافز ابو ستيب: بتحصل ستيب مالك السنوي ١٧ دينار + ١٧ دينار ثانية مال حافز ابو ستيب = ٣٤
°حافز ابو ستيب: بتحصل ستيب مالك السنوي ١٧ دينار + ١٧ + ١٧ مال حافز ابو ستيب = ٥١ وهكذا
-الزيادات تنزل في يناير

-اذا تحصل درجة تنزل ستيب إلى ثلاث ستيب عن الدرجة السابقة، مثال:
انا على الدرجة الرابعة ستيب ٥ ، اذا حصلت الدرجة الخامسة بحطوني على ستيب ٣ ، والمعاش راح يكون

ازيد 🖱

-راجع جدول الرواتب لمزيد من التفاصيل

التمهن

-تحسب الساعات التدريبية على الدرجة الثالثة وتنتقل إلى الدرجة الرابعة فقط
-الورش اللي تاخذهم على درجة معينة مايصير تاخذهم على الدرجة اللي بعدها (الرابعة، الخامسة،
السادسة)

علاوة تمديد الوقت

-اللي راح يتوظف في الثانوي او الاعدادي راح يحصل علاوة تمديد الوقت/ حسبها تختلف على الدرجة :
٣ دينار في اليوم على الدرجة الثالثة
٤ دينار في اليوم على الدرجة الرابعة
-هذي العلاوة بتمشي لك فقط ايام الدوام المدرسي اللي فيها طلبة ، يعني مابتحصلها في ايام الامتحانات
ولا الصيف ولا الربيع فقط الايام العادية ، توصل في الشهر تقريبا ٧٠ دينار اضافة على معاشك

-اذا تتأخر يوم او تستأذن او تاخذ سبك ليف يقصون عليك علاوة هذا اليوم 🖱
-التأخير يبدأ من 07:05:30

اليوم المدرسي

-الغالبية بتتوظفون ثانوي ،، اليوم الدراسي راح يكون كالآتي:

7:20 ~ 7:10 الطابور الصباحي (مو ثابت)

8:15 - 7:20 الحصة الأولى

9:10 - 8:15 الحصة الثانية

9:40 - 9:10 الفسحة الأولى (الريوق والسيرفس)

10:35 - 9:40 الحصة الثالثة

11:30 - 10:35 الحصة الرابعة

12:20 - 11:30 الحصة الخامسة

12:35 - 12:20 الفسحة الثانية (للصلاة)

01:25 - 12:35 الحصة السادسة

2:15 - 01:25 الحصة السابعة

-يجب تواجد الجميع اثناء السلام الوطني في الطابور

-لايوجد خمس دقائق بين الحصص كالسابق

المواد والنصاب

-قد يطلب منك تدريس أي مواد تجارية سواء باللغة الانجليزية أو العربية خلال الفصل

-نصابك الاسبوعي ٢٠ حصة بمعدل ٤ حصص في اليوم

-بالاضافة إلى المراقبات اثناء الطابور والفسحة

-تواترت الروايات على أن يكون النصاب ٢٤ حصة بسبب الضغط

سنوات الخدمة

-يمكنك ضم سنوات الخدمة السابقة من القطاع الخاص

-يمكنك شراء ٥ سنوات خدمة افتراضية (احسب حسبتك جم سنة بكون عندك وقت التقاعد (٣٥) وبناءاً على ذلك قرر ، كل ماشريتهم من وقت كان افضل لان أرخص ، تقدر تدفعهم كاش أو تقسطهم على: سنة/ ٥سنوات / ١٠سنوات)

قرض صندوق التقاعد

بعد مرور ٥ سنوات تقدر تاخذ قرض من صندوق التقاعد يصل إلى حد يعادل ١٢ معاش أو ١٠ آلاف أيهما أقل وتسدده على ٤ سنوات ، مميزات هذا القرض إن ارباحه ثابتة و تقدر تاخذه حتى لو عليك قروض شخصية من البنك بنسبة ٥٠% من معاشك

الاجازات

-الضيف شهرين يوليو و وأغسطس
-الربيع ٢١ يوم في شهر يناير
-اجازة الحج .. بعد مرور سنة تقدر تقدم عليها مدتها ٢١ يوم
-الاجازات المرضية تزيد بمعدل يومين كل شهر يعني مايصير تاخذ سبب ليف في اول شهر تتوظف (وتقدر تعرف الرصيد من خلال برنامج ديوان الخدمة)
-باقي الاجازات الرسمية (العديدين وعرفه، رأس النسبة الميلادية والهجرية، تاسوعاء وعاشوراء، يومي العيد الوطني، عيد العمال، المولد النبوي)
-ويمكنك التقديم على اجازة بدون مرتب اذا تمت الموافقة عليها

بعض الايجابيات

-الأمان الوظيفي
-مميزات التقاعد
-بعض الاحيان قرب المدرسة
-قصر الدوام المدرسي (٧ ساعات تتخللها البريكات ويمدك ترجع تتغدا ويا بيتكم)

خمسة ايام عمل نهار ثابتة
-بطاقة المعلم الي تعطيك تخفيضات من بعض المحلات

بعض السلبيات

- البعض قد يواجه صعوبة في السنوات الأولى في التأقلم مع سلوك وطباع الطلبة والتحضير والالتزام بالتعليمات (بس انتون قدها وقدود 🤔)
- بعض الاحيان تصير مع مدرسين سلبيين مايغون يشتغلون ولا يبغون غيرهم يشتغل فتجنّبهم وخلق قريب من الايجابيين وكون مبادر
- قد تُعطى في فصل واحد تدرس اكثر من اربع مواد مختلفة لصفوف مختلفة
- صعوبة التطور الوظيفي في الوقت الحالي بكل شفافية
- ضعف الموارد المتاحة في بعض المدارس (بروجكتر قديم، كمبيوترات ماتخدم إلخ)